

quartum post tricesimum, ubi legimus (v. 7, 8): *Iste afflictus* (David in exilio) *clamavit, & Dominus audivit, & ex omnibus angustijs - ejus servavit - eum, Castra - metatur angelus Domini circum timentes - eum, & eripit - eos.* Nempe David fugiens à persequutione injusti sui socii Saulis apud ipsos inimicos & hostes infestissimos in hostico solo tutiora quærebat latibula. Occiderat lapide & fundâ pastorali deprompto robustissimum Philistinorum gigantem Goliath (*1. Sam. XVII, 51*): sæpius ingentes ipsis & foedisimas (*c. XIX, 25: 27.*) clades intulerat. Quid putas facturos fuisse ita deprehenso & optatam sui copiam usque ad vincula & necem facienti? In munito conclusus erat castello, in aulâ & manu regis, ejusque hostis. Dicit quidem *Nicolaus Lira* incidisse Davidi illud, quod est in veteri versiculo

Stultitiam simulare loco prudentia summa est atque ex fonte Ebraeo colligere vult, *pinxisse eum super ostia faciendo ibi quasdam figuras, sicut solent facere fatui*, propter quæ Achimalech five Rex Achis Gitthæus eum repulerit. Verùm textus Psalmi allegati salutem hanc atque evasionem unicè angelicæ custodiæ tribuit & transcribit. Angelus Domini qui Lotum & Sodomitis, Jacobum ex *Esavi centurijs*, Daniele ex *leonibus aulicis*, socios & collegas ipsius ex *ardente fornace*, Petrum ex *carcere* liberavit, idem ille Davidem indemnem & incolumem ex *satellitio regio* eripuit atque abduxit. Et hoc ad mandatum, quod paullò suprâ dictum est, Dei Domini factum fuit. Nam si, quod apud prophetam Daniele legimus (*cap. III, 22*), mandatum regis Babylonij ita urgeret, ut accelerandum esset, quid putabimus ad mandatum Regis regum & Domini dominantium futurum, cui omnes creaturæ vel ad nutum præstò sunt?

Agnoscamus ergo suavissimam hanc divinæ providentiæ dispositionem, consideremus sanctorum spirituum dignationem, summamque nostram indignitatem. Quoties Angeli nobis etiam non tam in fictâ quàm verâ præstò sunt fatuitate! inlanimus, illi *sufferunt*; palantes erramus, *ductitant*; labascimus, *firmant*; titubamus, *manas supponunt*; cadimus, *erigunt*. *Puri non abhorrent sordidos, neque casti*

casti